

**Uunga siunnersuut: Katersugaasiveqarneq pillugu Inatsisartut inatsisaat nr. xx, xx. Xx 2015-imeersoq**

**Kapitali 1**

*Siunertaa nassuiarneralu*

**§ 1.** Kalaallit Nunaata piorsarsimassutsikkut kingornussaasa tigussaasut tigussaanngitsullu tam-matsaolineqarnissaat Kalaallillu Nunaanni katersugaasiveqarnikkut sulinerup suleqatigiinnerullu si-uarsarneqarnissaat Inatsisartut inatsisaata siunertarai.

*Imm.* 2. Piorsarsimassutsikkut kingornussat tigussaasut tassaapput suulluunniit nikisinneqarsin-naasut, illuutit aamma piorsarsimassutsikkut ingerlatsiviit, inuaqatigiit ineriarornerannut taassuma-luunniit ilaatum ertiutaasut.

*Imm.* 3. Piorsarsimassutsikkut kingornussat tigussaanngitsut tassaapput pisaatsit, isummat, taa-guutit, ilisimasat, piginnaasat, taamatullu aamma atortut, pigisat, assassinluni pilersitat piorsarsi-massutsikkulluunniit ataatsimoorfiit, inuaqatigiinnit, inunnit ataatsimoortunit, ilaannikkullu aamma inunnit ataasiakkaanit piorsarsimassutsikkut kingornussat ilaattut akuerisaasut.

**§ 2.** Kalaallit Nunaanni katersugaasiveqarnermut ilaapput Nunatta Katersugaasivia Allagaateqarf-ialu, katersugaasiviit akuerisaasut, tak. kapitali 3, aamma Katersugaasiveqarnermut Ataatsimiititali-aq.

**§ 3.** Nalunaarsuineq, katersuineq, toqqortarinninneq, ilisimatusarneq, ineriarortitsineq paasisanilu ingerlatitseqqitarneq aqqutigalugit katersugaasiviit suliassaraat:

- 1) Kalaallit Nunaata piorsarsimassutsikkut kingornussarsiaasa tammatsaolineqarnissaat sulissutigis-sallugu,
- 2) Kalaallit Nunaata piorsarsimassutsikkut pinngortitamullu tunngasutigut oqaluttuarisaanera paasi-niassallugu, tak. imm. 2 aamma 3,
- 3) katersugaatit tamanut takusassiarissallugit, aamma
- 4) katersugaatit ilisimatusarnermi atugassangortissallugit, ilisimatusarnermilu paasisanit ilisimasat siammartissallugit.

*Imm.* 2. Piorsarsimassutsikkut oqaluttuarisaanermik paasinianeremi ilaapput inuit inuuniarnermin-i qangarsuaaniilli maannamut atugaasa allanngoriartorsimanerat, allanngorarsimanerat atajuarsi-manerallu.

*Imm.* 3. Pinngortitaq pillugu oqaluttuarisaanermik paasinianeremi ilaapput pinngortitaq, ineriar-torsimanera, maannakkut avatangiisiusut aammalu inunnut sunniuteqarsimanerat.

*Imm.* 4. Ataatsimoortumik suliassaqarfinni katersugaasiviit suleqatigiissapput, suliassat imm. 1-im i taaneqartut isumagineqarnerisa siuarsarneqarnissaat siunertaralugu.

*Imm.* 5. Katersugaasiviit akisussaaffeqarfimmanni killissarititaasut iluanni, oqartussanik eqqissisi-matitsinermik, piorsarsimassutsikkut kingornussanik allatut illersuinermik sanaartugassanillu piler-saarusiornermik suliaqartunik suleqateqassapput.

## **Kapitali 2**

*Nunatta Katersugaasivia Allagaateqarfialu*

**§ 4.** Nunatta Katersugaasivia Allagaateqarfialu Namminersorlutik Oqartussat pilersippaat ingerlanneqarneranullu akisussaallutik.

*Imm. 2.* Nunatta Katersugaasivia Allagaateqarfialu pisortamit Naalakkersuisunit atorfinitsinneqartumit siulersorneqassaaq.

**§ 5.** Nunami tamarmi suliassat § 3, imm. 1-imi taaneqartut kiisalu suliassat inatsisit allat tunngavigalugit suliassiissutigineqartut Nunatta Katersugaasiviata Allagaateqarfialu suliarissavai.

*Imm. 2.* Ukiuni sisamani sulinissamut pilersaaruseq Nunatta Katersugaasiviata Allagaateqarfialu suliarisassavaa, taannalu ilisimatitsissutit Naalakkersuisunut, sumiiffinni katersugaasiviit kattuffiannut, NUKAKA-mut Katersugaasiveqarnermullu Ataatsimiititaliamut nassiunneqartassaaq.

*Imm. 3.* Nunatta Katersugaasivia Allagaateqarfialu sulinini pillugu ukiumoortumik nalunaarusior-tassaaq, taannalu Naalakkersuisunut akuerisassanngorlugu Katersugaasiveqarnermullu Ataatsimiiti-taliat aamma sumiiffinni katersugaasiviit kattuffiannut NUKAKA-mut ilisimatitsissutit nas-siunneqartassaaq.

**§ 6.** Nunatta Katersugaasiviata Allagaateqarfialu itsarnisat ilisimaneqartut Inatsisartut inatsisaanni ilaatinneqartut tamaasa, matumanu aamma nunatsinni eriagisassat pinngortitameersut, nunatsinni eriagisassat itsarnisat pigisallu immikkut ittumik soqtiginaateqartutut nalilerneqartut nalunaarsussavai.

*Imm. 2.* Nunatta Katersugaasiviata Allagaateqarfialu piorsarsimassutsikkut kingornussat tigusaanngitsut Kalaallit Nunaanniittut suuneri inuiaqatigiit, inuit ataatsimoortut kattuffiillu attuumassu-teqartut peqataatillugit nalunaarsorlugillu nassuiassavai, taakkulu allattorsimaffiannik ingerlaavartu-mik nutarterissalluni.

*Imm. 3.* Nunatta Katersugaasivia Allagaateqarfialu Kalaallit Nunaanni piorsarsimassutsikkut ki-gornussat tigussaanngitsut illersorneqarnissaannut akisussaasuovoq.

**§ 7.** Katersugaatit takussutissat eqqortumik takutitsisuuniartussat Nunatta Katersugaasiviata Alla-gaateqarfialu katersussavai, katersugaatinut ilanngutissavai tammatsaalissallugillu.

*Imm. 2.* Pigisat ataasiakkaat imaluunniit katersugaatit ilaats katersugaasivinni kapitali 3 tunngavi-galugu akuerisaasuni uninngasuutigineqarsinnaapput. Pigisat uninngasuutigineqartut Katersugaasi-vimmut sukkulluunniit uterteqquneqarsinnaapput.

*Imm. 3.* Pisut immikkut ittut iluanni pisortap inassuteqarneratigut Naalakkersuisullu akuersissute-qarnerisigut Nunatta Katersugaasiviata Allagaateqarfialu katersugaatit ilaats katersugaatinit immik-koortissinnaavai.

*Imm. 4.* Pigisat ilaats katersugaatinit immikkoortinneqartut katersugaasivinnut akuerineqarsimasu-nuunnaq tunniunneqarsinnaapput. Pigisaq pigisalluunniit pineqartut katersugaasiviit arlaannaannil-luunniit tigujumaneqanngippata immikkoortinneqartut allanut tunniunneqarnissaat atortussaajun-naarsinneqarnissaalluunniit Naalakkersuisut akuersissutigisinnaavaat.

**§ 8.** Nunatta Katersugaasiviata Allagaateqarfiatalu piorsarsimassutsikkut oqaluttuarisaaneq pillugu ilisimatusarneq, matumani aamma Kalaallit Nunaanni itsarnisarsiorermik assaalluni misissuineerit ingerlatissavai, paasisanillu ingerlatitseqqittarnermigut kalaallit piorsarsimassutsikkut kingornussarsiaannik tigussaasunik tigussaanngitsunillu aammalu Kalaallit Nunaata piorsarsimassutikkut inerriartorneranik ilisimasat siammartissallugit.

**§ 9.** Katersugaatit Nunatta Katersugaasiviata Allagaateqarfiatalu ilisimatusarnermut atugassangortissavai. Tassunga atatillugu aningaasartuutit katersugaatinik atuerusuttunit akilerneqartussangortinnejarsinnaapput.

*Imm. 2.* Katersugaatit piffissani siumut aalajangerneqareersimasuni tamanit takuneqarsinnaatinneqassapput.

*Imm. 3.* Nunatta Katersugaasivia Allagaateqarfialu katersugaasivinnut takusaanermi akiliuteqartit-sisinaavoq.

*Imm. 4.* Ilinniagaqarfiiut atuartitsinermut ilagitillugu katersugaasivinnut takusaatitsisut akiliuteqarnissaat piumasarineqarsinnaanngilaq.

**§ 10.** Nunatta Katersugaasiviata Allagaateqarfiatalu katersugaasiviit akuerisaasut suliassani katersugaasivinnut tunngasuni siunnersortassavai.

*Imm. 2.* Suliat teknikkikkullu periarfissat tamanna ajornartinngikkaangassuk Nunatta Katersugaasivia Allagaateqarfialu katersugaasiviit akuerisaasut pigisaannik immikkut aanaveersaanermik ingerlataqartassaaq. Tamatumunnga aningaasartuutit katersugaasivinnit pineqartunit akilerneqartassapput.

*Imm. 3.* Nunatta Katersugaasiviata Allagaateqarfiatalu katersugaasivinnut akuerisaasunut pisus-zaaffii, matumani aamma siunnersorneqarnermut tunngatillugu aningaasartuutinik akiliisarneq pillugit maleruagassat erseqqinnerusut Naalakkersuisut aalajangersarsinnaavaat.

**§ 11.** Katersugaasiviit akuerisaasut katersugaataasa toqqortarineqarnerat Nunatta Katersugaasivia ta Allagaateqarfiatalu nakkutigissavaa.

**§ 12.** Nunatta Katersugaasivia Allagaateqarfialu nunat tamat katersugaasiveqarnikkut suleqatigiin-neranni Kalaallit Nunaanni katersugaasiviit sinnerlugit peqataasassaaq.

*Imm. 2.* Piorsarsimassutsikkut oqaluttuarisaanermi itsarnisat Danmarkimut nunanulluunniit allan-nunneqarsimasut utertinneqarnissaat pillugu Nunatta Katersugaasivia Allagaateqarfialu Kalaallit Nunaanni katersugaasiviit sinnerlugit isumaqtigiiuteqartuuusassaaq.

### **Kapitali 3**

*Katersugaasiviit akuerisaasut*

**§ 13.** Naalakkersuisut katersugaasivik aalajangersimasoq suliassat § 3, imm. 1-imi erseqqinnerusumik taaneqartut ilaannik, nunap ilaani aalajangersimasumi sammisassanulluunniit aalajangersima-

sunut tunngasuni suliarineqartussanik isumaginnittussatut, Katersugaasiveqarnermut Ataatsimiitilaip inassuteqarneratigut akuerisinnaavaat.

*Imm. 2.* Piorsarsimassutsikkut siammarterisumik suliniuteqarnerit allat katersugaasiviup akuerisaasup sulineranut ilaatinneqarsinnaapput, matumani ilanngullugu katersugaasiviup suliffeqarfinnik piorsarsimassutsikkut siammarterinermik suliniuteqartunik allanik suleqateqarsinnaanera.

**§ 14.** § 13, imm. 1 tunngavigalugu akuerineqassagaanni piumasaqaatit makku eqqortinneqarsimatariaqarput:

- 1) Katersugaasivik kommunimit kommunilluunniit suleqatigiiffiannit pigineqassaaq, imminut pigisuulluni imaluunniit peqatigiiffimmit katersugaasiviup ingerlanneqarnissaanik siunertaqartumit pigineqassalluni.
- 2) Kalaallit Nunaata piorsarsimassutsikkut kingornussarsiaasa tigussaasut tigussaanngitsulluunniit ilaat erseqqinnerusumik allaaserineqarsimasut, katersugaasiviilluunniit suliassaattut taaneqarsimasut allat katersugaasiviup akisussaaffigissavai.
- 3) Katersugaasivimmut ileqqoreqqusat katersugaasiviup aqqa, piginittuussutsinut tunngasut, siunertaa, akisussaaffeqarfii, siulersuisuisa katitigaanerat, siulersuisuinik qinersisarneq, initai, missingersuutai, naatsorsuutai, kukkunersiusarneq, ileqqoreqqusat allangortinneqarnissaannut periarfisat atorunnaarsineqassappallu qanoq iliortoqarnissaa pillugit aalajangersakkanik imaqassapput.
- 4) Katersugaasivik naammaginartumik pitsaassuseqassaaq, katersugaasiviup katersugaataasa illersorneqarsinnaasumik toqqortaritinneqarnissaannik qulakkeerisumik, aningaasatigullu tunngavissaqassalluni pitsaassutsip ataavartinneqarnissaanut periarfissiisumik.
- 5) Katersugaasiviup pisortaa katersugaasivimmi sulinermik ilinniagaqarsimasuussaaq, katersugaasivimmilluunniit siulersuinermik ingerlatsinissamut allatigut piukkunnaateqartuussalluni.
- 6) Katersugaatit piffissani siumut aalajangereersimasuni tamanit takusarneqarsinnaatinneqassapput, katersugaasivillu takusaasunik akiliisitsisinnaavoq, kisiannili ilinniarfiit atuartitsinermut atatillugu takusaatitsisut akiliisittassanagit.

**§ 15.** Ukiuni sisamani sulinissamut pilersaarasiaq katersugaasiviup suliarisassavaa, taannalu kommunimut katersugaasivimmik ingerlatsisuusumut tapiissuteqartartumulluunniit, Nunatta Katersugaasivianut Allagaateqarfianullu aamma Katersugaasiveqarnermut Ataatsimiititaliamut ilisimatit-sissutitut nassiunneqartassaaq.

*Imm. 2.* Katersugaasivik ukiumoortumik naatsorsuusiortassaaq, missingersuutinut siunnersuusior-tassalluni katersugaasivittullu sulinini pillugu nalunaarusiortassalluni, taakkulu kommunimut katersugaasivimmik ingerlatsisuusumut tapiissuteqartartumulluunniit akuerissassanngorlugit nassiunneqartassapput. Katersugaasivik kommunimit tapiiffigineqartangippat naatsorsuutit, missingersuutinut siunnersuutit nalunaarusiarlu katersugaasiviup ileqqoreqqusaani aalajangersakkat malillugit akuerineqassapput, tak. § 14, nr. 3.

*Imm. 3.* Katersugaasiviup ukiumoortumik naatsorsuutai, missingersuutinut siunnersuutai, katersugaasiviullu sulinini pillugu nalunaarusiaa, tak. imm. 2, Naalakkersuisunut, Nunatta Katersugaasivianut Allagaateqarfianullu kiisalu Katersugaasiveqarnermut Ataatsimiititaliamut ilisimatitsissutit nassiunneqartassapput.

**§ 16.** Nassaat kapitali 5-imi pineqartunut ilaatinneqartut katersugaasivinnit akuerisaasunit Nunatta Katersugaasivianut Allagaateqarfianullu nalunaarutigineqartassapput.

**§ 17.** Katersugaasiviup akuerisaasup katersugaataasa ilaat taamaallaat katersugaasivinnut akuerisaasunut allanut imaluunniit Nunatta Katersugaasivianut Allagaateqarfianullu tunniunneqarsinnaapput uninngasutigitinneqarsinnaallutilluunniit. Pigisarli pigisalluunniit pineqartut katersugaasiviit akuerisaasut arlaannaannilluunniit imaluunniit Nunatta Katersugaasiviata Allagaateqarfialtu tigujumanngippassuk immikkoortinneqartut allanut tunniunneqarsinnaapput atortussajunnaarsinnejarsinnaallutilluunniit.

**§ 18.** Katersugaasiviup § 14-imi piumasaqaataasut eqqortikkunnaarpagpit imaluunniit §§-ini 15-imiit 17-imut naapertorlugit pisussaaffini sumiginnarpagpit, akuersissut Naalakkersuisut namminneq suliniuteqarnerisigut imaluunniit Katersugaasiveqarnermut Ataatsimiititaliap nalunaaruteqarneratigut atorunnaarsinnejarsinnaavoq. Atorunnaarsitsinnginnermi Katersugaasiveqarnermut Ataatsimiiitaliaq oqaaseqaateqartinneqqaassaaq.

*Imm. 2.* Katersugaasiviup pissutsit imm. 1 naapertorlugu Naalakkersuisut aalajangersimasumik piffissaliussaata iluani aaqqitassat iluarsinngippagpit akuersissut atorunnaarsinnejassaaq katersugaasiviullu sulinini unitsittariaqassallugu. Piffissaliussap aalajangiunneqannginnerani Katersugaasiveqarnermut Ataatsimiititaliaq tamanna pillugu oqaaseqaateqqaassaaq.

**§ 19.** Katersugaasivik sulinerminik unitsitsisariaqarpat katersugaasiviup katersugaataasa qanoq pi-neqarnissaat Nunatta Katersugaasiviata Allagaateqarfialtu aalajangiivigissavaa.

*Imm. 2.* Unitsitsineq katersugaasiviup akuersissummik arsaagaaneranik pissuteqarpat imm. 1 malillugu aalajangiineq imaassaaq, katersugaasivik suliaminik unitsitsisoq akuersissummik arsaagaanerminiiit ukiut marluk qaangiutinnginneranni akuerisaaqqinnermigut periarfissaqassalluni katersugaaatiminut oqaasissaqartuuleqqinnissamut.

## Kapitali 4

### *Katersugaasiveqarnermut Ataatsimiititaliaq*

**§ 20.** Katersugaasiveqarnermut Ataatsimiititaliaq tallimanik ilaasortalik, taakkununngalu sinniussalik Naalakkersuisut pilersissavaat, taakkununngalu:

- 1) ilaasortaq ataaseq sinniisussaalu Nunatta Katersugaasivianit Allagaateqarfianillu toqqagaassapput,
- 2) ilaasortaq ataaseq sinniisussaalu katersugaasivinni akuerisaasuni pisortat akornanneersut Nunatinni Katersugaasiviit Kattuffiannit, NUKAKA-mit toqqagaassapput,
- 3) ilaasortaq ataaseq sinniisussaalu katersugaasivinni akuerisaasuni siulersuisut akornanneersut Sumiiffinni katersugaasiviit kattuffiannit, NUKAKA-mit toqqagaassapput,
- 4) ilaasortaq ataaseq sinniisussaalu Kalaallit Nunaanni Kommunit Kattuffiannit, KANUKOKA-mit toqqagaassapput, aamma
- 5) ilaasortaq ataaseq sinniisussaalu Ilisimatusarfimmit toqqagaassapput.

*Imm.* 2. Katersugaasiveqarnermut Ataatsimiititaliami ilaasortat qaammatisiutit malillugit ukiuni sisamani atasussanngorlugit ivertinneqartassapput. Toqqagaaqqittoqarsinnaavoq.

*Imm.* 3. Katersugaasiveqarnermut Ataatsimiititaliap siulittaasussani taassumalu tullissaa ilaasortami akornannit qinertassavai.

*Imm.* 4. Katersugaasiveqarnermut Ataatsimiititaliap suleriaasissani nammineq aalajangersartassavaa.

**§ 21.** Katersugaasiveqarnermut Ataatsimiititaliap allattoqarfekartinnera Nunatta Katersugaasivianit Allagaateqarfianillu isumagineqassaaq, taanna aamma aalajangersimasumik allatseqartitsisuus-salluni. Allattoqarfip suliassanik ingerlatsinera Nunatta Katersugaasiviata Allagaateqarfialtu suli-neranit immikkoortisimaneqassaaq.

**§ 22.** Katersugaasiveqarnermut Ataatsimiititaliap suliassarai:

- 1) katersugaasivinnut nuna tamakkerlugu suleqatigiiffiussalluni,
- 2) suliassani katersugaasiveqarnermut tunngasuni Naalakkersuisut pisortallu oqartussat allat siun-nersuisuuffigissallugit,
- 3) katersugaasiviit akuerineqarnissaat inassuteqaatigisassallugu, tak. § 13, aamma
- 4) katersugaasiviup akuerineqarnissamut piumasaqaatit eqqortikkunnaarai, tak. § 14, imaluunniit §§-it 15-imuit 17-imut malillugit pisussaaffini sumiginnarai paasiguniuk Naalakkersuisunut nalunaaruteqassalluni.

**§ 23.** Katersugaasiveqarnermut Ataatsimiititaliaq suliani pillugit ukiumoortumik nalunaarusiortas-saaq, taannalu Naalakkersuisunut, Nunatta Katersugaasivianut Allagaateqarfianullu kiisalu kater-sugaasivinnut akuerisaasunut ilisimatitsissutitut nassiunneqartassaaq.

## **Kapitali 5** *Itsarnisanik innarlitsaaliineq*

### *Nassaat*

**§ 24.** Itsarnisat Kalaallit Nunaanni nassaarineqartut, kimilluunniillu uppermarsaasikkamik pigin-nittuuffiginiarneqarsinnaanngitsut nunatsinni eriagisassaapput pinngortitameersut, tassaagunik:

- 1) sumit naleqartumit sanaat imaluunniit piorsarsimassutsikkut oqaluttuarisaanermut immikkut pi-nhaaruteqartut imaluunniit
- 2) umiarsuit umiarnikut, umiarsuit usii umiarsuillu umiarnikut taamaattut ilamerri ukiut 100-t sinnerlugit matuma siornatigut annaasaasorisat, inunnit danskisut innuttaassuseqartunit Kalaallit Nunaanni aalajangersimasumik najugaqartunit Kalaallilluunniit Nunaanniikkallartunit imaluunniit angallammit Kalaallit Nunaanni angerlarsimaffeqartumit danskit nalunaarsuiffianni nalunaarsorne-qarsimasumit immap itisuup naqqani nassaarineqarsimasut.

*Imm.* 2. Nassaat itsarnisat immap itisuup naqqani nassaarineqarsimasut, matumanu aamma umiar-suit umiarnikut, umiarsuit usii umiarsuillu umiarnikut taamaattut ilamerri ukiut 100-t inorlugit

matuma siornatigut annaasat nunatsinni eriagisassatut pinngortitameersutut nassaatut isigineqarnis-saat Naalakkersuisut aalajangersinnaavaat.

*Imm. 3.* Nassaanut imm. 1, nr. 1-imí taaneqartunut aamma ilaapput nassaat imartap killeqarfiata iluaniittut tassaniissimasulluunniit.

*Imm. 4.* Immap itisuup naqqa, tak. imm. 1, nr. 2 aamma imm. 2, tassaavoq nunap inatsisitigut oqartussaaffiata killingata avataani immap naqqa nunalu ataaniittooq.

**§ 25.** Itsarnisat Kalaallit Nunaanni nassaarineqartut kimilluunniit uppernarsaasikkamik piginnit-tuuffiginiarneqarsinnaanngitsut tassaapput nunatsinni eriagisassat itsarnisat, taakku tassaagunik naasut uumasulluunniit ujaranngorsimasut ujaranngulersulluunniit, imaluunniit suna nunap sanane-qaataanit pinngortoq ilisimatuussutsikkullu soqtiginaateqarluinnartoq imaluunniit saq-qummersissallugu soqtiginaateqartoq.

*Imm. 2.* Nassaat imartap killeqarfiata iluaniittut tassaniissimasulluunniit nassaanut imm. 1-imí taaneqartunut ilaapput.

**§ 26.** Nassaat §§-ini 24-mi 25-milu pineqartunut ilaatinneqanngitsut, kalaallilli piorsarsimassut-sikkut oqaluttuarisaanerisa ilaannik pingaaruteqartunik takussutissiisut Nunatta Katersugaasivianit Allagaateqarfianillu immikkut soqtiginaateqartutut isigalugit nalilerneqarsinnaapput.

**§ 27.** Nunatsinni eriagisassat pinngortitameersut, tak. § 24, aamma nunatsinni eriagisassat itsarnisat, tak. § 25, Namminersorlutik Oqartussanit pigineqarput.

*Imm. 2.* Nassaat soqtiginaateqartutut nalilerneqarsimasut, tak. § 26, piginnitsiminnit pigineqarput.

*Imm. 3.* Nassaanik § 26 naapertorlugu soqtiginaateqartutut nalilerneqarsimasunik piginnittup piginnittuussutsimut tunngasut toqqortarineqarfiallu allangnuuteqartinniarunigit tamanna Nunatta Katersugaasivianut Allagaateqarfianullu ilisimatissutigissavaa.

*Imm. 4.* Nassaat § 26 naapertorlugu soqtiginaateqartutut nalilerneqarsimasut tuniniarneqarpata taakku tuniniarneranni akiinik akilersillugit Namminersorlutik Oqartussanut neqeroorutigineqaaq-qaassapput. Tamanut ammasumik kaattaassisitsinissamik eqqarsaateqarnermi piginnittup tamanna pillugu Nunatta Katersugaasivia Allagaateqarfialu ilisimatittassavaa.

**§ 28.** Kinaluunniit itsarnisanik nassaartoq, itsarnisanilluunniit taamaattunik pigisaqalersoq taman-na pillugu Nunatta Katersugaasivianut Allagaateqarfianullu imaluunniit katersugaasiviit akuerisa-sut arlaannut pinasuartumik nalunaaruteqassaaq. Tamanna aamma atuuppoq nassaanut imartap kil-leqarfiata iluaniittunut tassaniissimasunulluunniit, aamma umiarsuarnut umiarnikunut, umiarsuit usiinut umiarsuillu umiarnikut taamaattut ilamernginut, inunnit danskisut innuttaassuseqartunit Kalaallit Nunaanni aalajangersimasumik najugaqartunit Kalaallilluunniit Nunaanniikkallartunit imaluunniit angallammit Kalaallit Nunaanni angerlarsimaffeqartumit danskit nalunaarsuiffianni nalunaarsorneqarsimasumit immap itisuup naqqani nassaarineqarsimasunut.

*Imm. 2.* Nassaat itsarnisat akornuserneqassanngillat. Taamaattorli nassaat ajoquserneqariaannaap-pata aserorneqariaannaappataluunniit nassaartup nassaani toqqortarigallagassanngorlugit nassarsin-naavai, taamaattoq tak. imm. 3. Nassaat isumannaarneqarnissaannut toqqortarineqarnerannullu pisa-

riaqarsimasumut nassaartup aningaasartutai naleqquttumik amerlassusillit Nunatta Katersugaasi-  
viata Allagaateqarfatalu taarserlugit akilissavai, taamaattoq tak. imm. 4.

*Imm. 3.* Umiarsuit umiarnikut, umiarsuit usii umiarsuillu umiarnikut taamaattut ilamerengi im-  
map itisuup naqqani nassaarineqarsimasut, kimilluunniillu uppermarsaasikkamik piginnittuuffigini-  
arneqarsinnaanngitsut Nunatta Katersugaasivia Allagaateqarfialu taamaaliornissamut akuerseqqaar-  
tinnagu allanngortinnejassanngillat. Kialuunniit nassaanik taamaattunik qaqitsisup nassaamilluun-  
niit taamaattumik pigisaqalersup nassaaq pinasuartumik Nunatta Katersugaasivianut Allagaateqar-  
fianullu tunniutissavaa. Qaqitsisoq qaqitsinermut akissarsinissamik piumasaqarsinnaanngilaq.

*Imm. 4.* Inuit danskisut innuttaassuseqartut Kalaallit Nunaanni aalajangersimasumik najugallit tas-  
saniikkallartulluunniit aamma inatsisit naapertorlugit inatsisitigut pisussaaitaasut Kalaallit Nunaan-  
ni angerlarsimaffeqartut piginnittooq taamaaliornissamut akuerseqqaartinnagu umiarsuarnik umiarni-  
nikunik, umiarsuit usiinik umiarsuillu umiarnikut taamaattut ilamerenginik immap itisuup naqqani  
nassaarineqarsimasunik, aammalu Namminersorlutik Oqartussanit pigineqaratik allanit pigineqartu-  
nik allanngortitsissanngillat allanngortitsinissamilluunniit sulissuteqassanatik.

**§ 29.** Nunatta Katersugaasiviata Allagaateqarfatalu nalunaaruteqarneq naapertorlugu, tak. § 28,  
imm. 1, aalajangissavaa pineqartoq tassaandersoq nunatsinni eriagisassat pinngortitameersut, nunat-  
sinni eriagisassat itsarnisat imaluunniit pigisaq immikkut soqutiginaatilik.

*Imm. 2.* Nunatta Katersugaasivia Allagaateqarfialu naliliippat pineqartoq tassaasoq nunatsinni  
eriagisassat pinngortitameersut, nunatsinni eriagisassat itsarnisat, taava nassaartoq pigisamilluunniit  
pigisaqalersimasoq taassuma katersugaasivimmut pinasuartumik tunniunnissaanut pisussaavoq.  
Nunatta Katersugaasivia Allagaateqarfialu taassuma peqatigisaanik aalajangiissaaq pigisaq qanoq  
toqqortarineqassandersoq.

**§ 30.** Qaqutigoorluinnartunik piorsarsimassutsikkullu oqaluttuarisaanermut pingaaruteqarluinnar-  
tunik nassaartoqartillugu Naalakkersuisut nassaartoq, Nunatta Katersugaasiviata Allagaateqarfatalu  
oqaaseqaateqareerneratigut akissarsisisinnaavaat.

**§ 31.** Itsarnisat illorsorneqarnissaat pillugu, matumani aamma nassaat nalunaarutigineqarnissaat,  
toqqortarineqarnissaat tunniunneqarnissaallu pillugit maleruagassat erseqqinnerusut Naa-  
lakkersuisut aalajangersarsinnaavaat.

### *Pissarsineq annissuinerlu*

**§ 32.** Nassaaq nunamit allamit, nunami tassani inatsisink unioqqutitsilluni anninneqarsimappat,  
taamaaliornelu nunat tamat isumaqtigisiuttaanni nunap pineqartup Danmarkillu atsioqataaffigisi-  
masaanni pineqartunut ilaappat katersugaasivik nassaamik taamaattumik pissarsissanngilaq.

*Imm. 2.* Pissarsineq imm. 1-imut akerliusumik pisimappat utertitsineq, nunat tamat isumaqtigisi-  
sutaat imm. 1-imi taaneqartoq naapertorlugu pissaaq.

**§ 33.** Nassaat kalaallinit suliarineqarsimasut 1945-p siornaneersut, nassaallu § 26 tunngavigalugu immikkut soqutiginaateqartutut nalilerneqarsimasut Nunatta Katersugaasivia Allagaateqarfialu akuersiseeqqaartinnagu nunanut allanut anninnejqarsinnaanngillat.

*Imm. 2.* Nassaat nunanut allanut annisissallugit kissaatigineqartut pisoqaassusii nalornisoornartoqartillugit Nunatta Katersugaasivianit Allagaateqarfianillu paasiniarneqartassapput.

*Imm. 3.* Pisuni immikkut ittuni piffissami aalajangersimasumik sivisussusilikkami annissinermut akuersissutip atuunnissaa nalunaarutigineqarsinnaavoq.

**§ 34.** § 33, imm. 1 tunngavigalugu annissinissamut akuersissuteqartoqanngippat nassaat taakku sumiluunniit tuniniarneqarunik akigisinnaasaannik akilerlugin Namminersorlutik Oqartussanit tigu-neqarnissaat nassaanik taamaattunik piginnittup piumasarisinnaavaa.

*Imm. 2.* Sulianik ilisimasallit naliliisereeरlugit, matumani Nunatta Katersugaasiviata Allagaateqarfatalu oqaaseqaateqartinneqarnera ilanngullugu, akigitinneqartussaq Naalakkersuisunit aalajangersarneqassaaq.

## Kapitali 6

*Aningaasalersuineq tapiissuteqartarnerlu*

**§ 35.** Nunatta Katersugaasiviata Allagaateqarfatalu sulinera nunatta karsianit tapiissutitigut, ava-taanit tapiissutitigut aamma kiffartuussinernik il.il. tunisaqartarnikkut aningaasalersorneqassaaq.

*Imm. 2.* Nunatta Katersugaasivianut Allagaateqarfianullu nunatta karsiata tapiissutigisartagai uki-umoortumik aningaasaliissutinut inatsisitigoortumik aalajangersarneqartassapput.

**§ 36.** Naalakkersuisut aamma kommunalbestyrelsi sumiiffinni katersugaasivinnut tapiissuteqar-sinnaapput.

## Kapitali 7

*Naammagittaalliuuteqartarneq pineqaatissiisinnaanermullu aalajangersakkat*

**§ 37.** Nunatta Katersugaasiviata Allagaateqarfatalu aalajangiineri sap.ak. 4-t qaangiutsinnagit Naalakkersuisunut naammagittaalliuutigineqarsinnaapput. Naalakkersuisut aalajangiivitsinnagit Katersugaasiveqarnermut Ataatsimiititaliaq oqaaseqaateqartinneqqaassaaq.

**§ 38.** § 27, imm. 3-mik 4-millu, § 28, imm. 1-imik, § 28, imm. 2-mi oqaaseqatigiinnik siullernik, § 28, imm. 3-mi oqaaseqatigiinnik siullernik tulliinillu, § 28, imm. 4-mik, § 29, imm. 2, oqaaseqati-git siulliannik, § 32-mik aamma § 33, imm. 1-imik unioqqutitsineq akiliisitsissutaasinnaavoq.

*Imm. 2.* Aalajangersakkanik unioqqutitsisoqartillugu akiliisitsisarnissaq pillugu maleruagassat maleruaqqusani Inatsisartut inatsisaat naapertorlugu atuutilersinneqartuni aalajangersarneqarsin-naapput.

*Imm. 3.* Akiliisitsinissaq Inatsisartut inatsisaatigut maleruaqqusani luunniit Inatsisartut inatsisaat naapertorlugu atuutilersinneqartutigut tunngavissaqarpat, inatsisit naapertorlugit inatsisitigut pisus-saatitaasoq Kalaallit Nunaanni pinerluttulerinermik inatsimmi maleruagassat naapertorlugit akiliisit-sissummik akileeqquneqarsinnaavoq.

*Imm. 4.* Akiliisitsissut nunatta karsiata pisassaraa.

## Kapitali 8

*Atuutilerfia ikaarsaariarnermilu aalajangersakkat*

**§ 39.** Inatsisartut inatsisaat aggustip aallaqqaataani 2015-imi atuutilerpoq.

*Imm. 2.* Tamatumma peqatigisaanik atorunnaarsinneqarput Katersugaasiveqarneq pillugu Inatsisartut peqqussutaat nr. 6, 30. oktober 1998-imeersoq kingusinnerusukkut allannguuteqartoq, kiisalu Kulturikkut ingerlatsineq sunngiffimmilu sammisassaqtitsineq pillugit Inatsisartut peqqussutaanni nr. 10, 21. maj 2002-meersumi § 30, imm.1, nr. 9.

*Imm. 3.* Maleruagassat Katersugaasiveqarneq pillugu Inatsisartut peqqussutaat nr. 6, 30. oktober 1998-imeersoq kingusinnerusukkut allannguuteqartoq naapertorlugu aalajangersarneqarsimasut atuutsiinnarneqarsimasulluunniit, Inatsisartut inatsisaat una inatsisilluunniit allat naapertorlugit maleruagassiatigut atorunnaarsinneqarnissartik taarserneqarnissartilluunniit tikillugu atuutiinnassapput.

*Namminersorlutik Oqartussat, xx.xx.2015*

Kim Kielsen